

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.3. Quæ hoc capite dicta sunt, insigni documento confirmantur.

[urn:nbn:de:hbz:466:1-47123](#)

Potes etiam non sìne ratione aut exemplo, ipsum cor
tuum, ut Filij Dei electum sepulcrum considerare, quod i-
psem sibi ut locum quietis delegerit, & in quo à te cupiat
piorum desideriorum & sanctarum operationum aromatis
inungi. Certè, si (ut à nobis superius indicatum est) cor-
poris ac sanguinis Christi consecratio, idcirco ejusdem in-
cruce immolationem repräsentat, quòd per eam certà ra-
tione corpus Christi ut exangue & exanime exhibeat:
consequens est ipsâ communione Christi sepulturam adum-
brari, & cor seu pectus divina mysteria participantis, in quo
corpus Christi sub panis specie recipitur, instar esse illius se-
pulcri, in quod post mortem illatum & conditum est. Hoc
etiam affirmante S. Damasceno, cùm ait: Christi corpus in
altari per Sacerdotis manus elevari velut in crucem; & dum
distribuitur ac sumitur, in nobis velut sepeliri.

*b. de corp.
Christi.*

b. 3. c. 24.

Idque adeò ei, quam suprà laudavi, S. Mechtildi ali-
quando à Dei Matre monstratum est. Nam cùm ferià sex-
tā majoris hebdomadæ, horâ Completorij, uti alías sape,
apparuisset B. Virgo, & ab ea sibi præcipi audisset; accipe-
ret filium suum dilectissimum, eumque in corde suo sepeli-
ret: continuò sensit cor sibi in morem argentei sarcophagi
conformari, operculum aureum habentis (quibus quidem
metallis munditia cordis, & sancti amoris vis, quâ Deus in
corde amantium retinetur, adumbrabatur) móxque ipsum
Christum eo quasi conditorio recipi, déque ejus præsentia
exultantem animam coelesti quadam suavitate perfundi.

§. 3.

*Quæ hoc capite dicta sunt, insigni documento
confirmantur.*

Tandem ad eorum, quæ hactenus dicta sunt, confirma-
tionem, placet hîc referre, quod sanctæ Virginis Lydi-
næ aliquando contigit. Tenebatur illa, quodam die, ma-

gno desiderio sacram Eucharistiam recipiendi: qua in re-
cum Parochus se satis difficilem præberet, idque illa ferret
gravatè; adstitit illi Angelus, qui nunciaret; ei consolan-
de arque erigendæ, ipsum per se Christum haud ita pòst esse
ad futurum. Porrò advenientis Salvatoris pompa hæc fuit.

Præibant è cœlesti militia præclari juvenes; atque a-
lius crucem, aliùs clavos, lanceam alius, alij alia Dominicæ
passionis insignia præferentes, pauperi Virginis lectulo cir-
cumfunduntur.

Subsequitur sanctissima Dei Mater, non sinè insigni a-
liorum Sanctorum comitatu. Demum ipse Christus, in-
forma primum speciosissimi pueri; qui deinde in virum
ætatis perfectæ mutatus, velut crucifixus sertòque spineo
coronatus, ac toto corpore sanguinolentus apparuit: tan-
démque (rogante Virgine, ut ei aliquod præsentia sua si-
gnum ac monumentum relinqueret) in speciem candidæ ac
radiatæ hostiæ conversus est: quam in mappula relictam, &
conspicuâ Christi crucifixi figurâ, vulneribus etiam cruen-
tis, & sanguineis guttis spectabilem, ipsa denique de Paro-
chi manu suscepit, cum animi sui exultatione incredibili.

Ex quo exemplo fit perspicuum, quod dicebamus, di-
vinissimorum mysteriorum participationi solennem passio-
nis Christi memoriam intermiscendam; idque ipsi Salva-
tori nostro gratum in primis & complacitum esse.

Ad extremum addimus; quod de passionis Christi
memoria ad Eucharistia susceptionem adferenda hæc dixi-
mus; id, tametsi minus evidenter, attamen suo modo in re-
liquis quoque Sacramentis locum habere: quippe cùm o-
mnia ex Christi passione vim habeant, ejusque merita ac
sanguinem speciali ratione contineant. Præcipue verò in
Sacramento Pœnitentiæ, in quo dum peccator à Sacerdote
absolvitur, meritò sibi figurabit, quasi sub ipsa Christi cruce
positus, perfundatur ipsius sanguine, de apertis adhuc vul-
neris

neribus ad ipsius emundationem scaturiente. Quæ cogitatio etiam cautioni serviet, ne deinceps reperitis sceleribus, in se polluat divinum sanguinem, & salutis vitæque æternae premium convertat in damnationis argumentum.

C A P V T V I I I .

Christum patientem in membris suis agnoscere.

§. I.

Egenos, afflictos, ulcerojos, ut proprias Christi patientis imagines aspiciendos esse.

*Serm. 4.
de Nat.*

Si quidem ex quo Dei Filius, cum carne nostra mortali, ejus miseras atque ærumnas in se suscepit, easque in suo corpore (uti S. Bernardus loquitur) dedicavit: oportet nos illos alios jam oculis aspicere; & tanquam res ipso Christi tactu consecratas, imò veluti ea quæ ad sacram ipsius humanitatem pertinuerint, eique inhæserint, cum amore, cultu, ac reverentiâ tractare. Etenim ut ait Theodotus Ancyra Episcopus, hom: 2. de Nativitate: *In se suscepit crucem (ive, ut in Græco est, familiarem sibi ac peculiarem efficit) suam fecit alapam, vincula sua fecit; ut Dei propria efficta passiones, adversus passiones acciperent potestatem.*

*de Ger. re-
lig. c. 16.
In 3. p. q. 46
a. 5.*

Quod si, ut sapienter philosophatur S. Augustinus, Dei Filius opes, delicias, honores ac mundi gloriam, & reliqua quæ tanti aestimantur ab hominibus, ipso neglectu ac despicientiâ, sive (ut ipse ait) *carenendo vilia fecit: profecto quæ his adversa sunt, inopiam, labores, dolores, contemptum, opprobria, in se assumendo suaque faciendo, pretiosa efficit, imò (ut loquitur Cardinalis Cajetanus) deificavit, eoque non amore tantum, sed etiam veneratione dignissima reddidit.* Idque eò magis, quod miseriae nostræ atque ærumnae, non extrinsecus duntaxat, aut solo contactu (ut flagel-